



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

16 f Aureus Ertzbischoff zů Meintz vnd marterer.

urn:nbn:de:hbz:466:1-41449

Der XVI. Tag im Brachmonat.

* Bisantina
in Burgüd.

Anno Dñi
100.

In Franckreich / inn der Statt * Besuntion / ist heut der Tag der heyligen marterer Ferreoli des Priesters / vnnnd Ferrutionis des Diacons / welche beyde vnnnd dem heyligen Leonischen Bischoff Treneo / das Wort Gottes zu predigen aufgeschickt worden. Seind vnder dem Richter Claudio erstlich an einer Ram gewilich aufgestreckt / lang geganglet / vnnnd inn Käcker eingelegt worden. Darnach hat man ihñ ihre Zungen abgeschnitten / vnd da sie Christum gleichwol / noch klar predigten / hat man einem jeden dreyßig Alen in Hand vnd Fuß / auch ins Herz gesteckt / vnnnd endelich sie beyd enthaupt.

Anno Dñi
239.

Item zu Antiochia der Geburtstag der heyligen Marterer Eirici vnd seiner Mütter Julite. Diser Eiricus war ein Knab dreyer Jar alt / als er zu dem Kayser Alexandro sagen dorffte / er were vber die Natur ein Christ. Da er aber geschlagen ward / rufft er künlich: Christianus sum / vnnnd ward desto kecker. Ist mit sampt seiner Mütter / glidswelch zerschneiden / vnd ihre Gebain zerstreuet worden / dieselben aber seind von den Engeln zusamen gesamlet / vnd von den Christen begraben worden. Man list auch / das sie nach vilen schlägen vñ grausamen peine zu Tarso in Sicilia enthaupt seind worden. Mit disen zweyen haben auch andere vier vnnnd vierzig vmb Christi willen ihñ blüt vergossen.

Item zu Leon die begräbnuß des heyligen Arelatenischen Bischoffs Aureliani / der seinem Hirten ampt erwilich

treulich aufgewartet/ vnd mit einem heyligen Leben in der Kirchen/wie ein brinnende Fackel/ geleuchtet hat.

Item in der Statt Namnetis / des H. Bischoffs vnd Beichtigers Similiani.

Item des H. Kolandi/ Grafens zu Cenomanum/ auch seiner gesellen Oliuerij / vnnnd anderer / deren drey tausent gezelt werden/ so zur zeit Caroli Magni/ in Hispania von den Haiden erschlagen worden. Anno Dñi 810.

Item zu Meins/ des heyligen Martirers Aurei/ Bischoffs daselbst. Diser Aureus/ ist daselbst sampt seiner Schwester vnd vilen andern Catholischen Christen/ zu der zeit da die Gottlosen Hunen / Teutschland vberfielen/ in der Kirchen vnd am Altar ellendigklich ermordet worden. Anno Dñi 454.

Item zu Eyschel Constanker Bisshumb/ ist die erhebung der heyligen Junckfrawen Kunigund / Mechundis/ vnd Wibrandis.

Item die erhebung des H. Bischoffs Richardi.

Item in Dacia die erhebung des heyligen Abts Wilhelmi.

Item in dem Kloster Aquiria in Brabant/ die entschlaffung der heyligen vnnnd gar andächtigen Junckfrawen vnd äbtissin Lutgardis.

Item die Ordination vnd Weyhung des heyligen grossen Bischoffs vnd Beichtigers Nicolai / von welchem am 6. Tag Christmonats weiter.

g xv. Calend. Iulij.

Der XVII. Tag im Brachmonat.